



Philippus ex nobili familia à Rosenburg oriundus, à teneris annis literis operam dedit, atque præceptoribus obsequens magnam sibi eruditionem acquisiuit. Inde literarum amore sese Papiam conferens, in celebri ea Academia Doctoris insignia adeptus est. Cum is in Germaniam multis literis ornatus rediisset, sub Ludouico Episcopo Spirensi suo auunculo Spirensis canonicus, & paulo post præpositus S. Germani factus est. Eas functiones magna diligentia peregit, atque suis uirtutibus cæteris canonicis exemplo fuit. Itaque cum Ludouicus præsul moreretur, ipse in eius locum anno 1505 Episcopus electus est. Eam dignitatē adeptus, cir-

cum spicere cœpit, quâ nam ratione loca quædam ab Episcopatu prius alienata reciperet. Itaque Palatino pecuniam obtulit, atque Rotenburgum recuperauit. Postea etiam nobile opus Montem oliuarum Spiræ extruxit, atque plurima loca suæ ditionis restaurauit. Interea autem doctos uiros quantum potuit promouit, atque unicè dilexit, in quibus etiam Ioannes Reüchlinus extitit. Tandem graui morbo pressus magna patientiâ ad mortem usque perseuerauit, & cum octo annos præfuisset, obiit anno 1513, magno suorum luctu sepultus. In eius locum Georgius Rheni Palatinus Episcopus electus est. Anon.